



GIG
CYMRU
NHS
WALES

Bwrdd Iechyd Prifysgol
Betsi Cadwaladr
University Health Board

BWRDD IECHYD PRIFYSGOL BETSI CADWALADR

DISGRIFIAD SWYDD

MEDDYG YMGYNHOROL MEWN OFFTHALMOLEG gyda Diddordeb Arbennig mewn Glawcoma

TEITL Y SWYDD:	Offthalmolegydd Cyffredinol Ymgynghorol
YN GYFRIFOL I:	Cyfarwyddwr Clinigol, Arbenigeddau Llawfeddygol
YN ATEBOL I:	Prif Weithredwr a Chyfarwyddwr Meddygol
SAFLE:	Ysbyty Gwynedd, Bangor. Gogledd Cymru
ORIAU CONTRACT:	Llawn amser ar alwad (10 sesiwn yr wythnos)

Gwybodaeth Gyffredinol

Bwrdd Iechyd Prifysgol Betsi Cadwaladr yw'r sefydliad iechyd mwyaf yng Nghymru, ac mae'n darparu amrediad llawn o wasanaethau ysbyty sylfaenol, cymunedol, iechyd meddwl ac aciwt i boblogaeth o ryw 676,000 o bobl ar draws chwe sir Gogledd Cymru. (Ynys Môn, Gwynedd, Conwy, Sir Ddinbych, Sir y Fflint, Wrecsam).

Mae'r Bwrdd Iechyd yn cyflogi rhyw 16,500 aelod o staff ac mae ganddo gyllideb o ryw £1.2 biliwn. Mae'n gyfrifol am weithrediad tri ysbyty cyffredinol dosbarth (Ysbyty Gwynedd ym Mangor, Ysbyty Glan Clwyd ger Y Rhyl ac Ysbyty Maelor Wrecsam) ynghyd â 22 o ysbytai cymunedol ac aciwt eraill, a rhwydwaith o dros 90 o ganolfannau iechyd, clinigau, safleoedd timau iechyd cymunedol ac unedau iechyd meddwl. Mae'r Bwrdd Iechyd hefyd yn cydlynu gwaith y 121 o feddygfeydd a gwasanaethau'r GIG a ddarperir gan ddeintyddion, optegwyr a fferyllfeydd yng ngogledd Cymru.

Wedi'i leoli'n rhan fwyaf Gogleddol Cymru, mae'r Bwrdd Iechyd ar ymyl ardal hardd Parc Cenedlaethol Eryri ac mae'n ymestyn dros ardal ddaearyddol enfawr ac amrywiol. Yng ngogledd Cymru hefyd mae'r arfordir ymhlith y rhai mwyaf amrywiol ac ysblennydd yn y DU, yn cynnig cyfleoedd heb eu hail i gymryd rhan mewn gweithgareddau awyr agored mewn ardal o harddwch naturiol eithriadol.

Mae trwch y boblogaeth wedi'i lleoli ar hyd ffin arfordirol y gogledd, ac mae prif ffordd yr A55 yn cynnig cysylltiadau ardderchog â Gogledd-orllewin Lloegr, ac Iwerddon trwy'r porthladd. Dylai hyn, ynghyd ag argaeledd dewisiadau tai deniadol ac ysgolion gael eu gwerthfawrogi wrth ystyried swydd yn yr ardal hon.

Mae'r swydd i'w hysbysebu wedi'i lleoli yng ngorllewin Gogledd Cymru, yn Ysbyty Gwynedd, Bangor, lle mae gwasanaethau Offthalmoleg yn cael eu darparu fel gwasanaeth achos dydd yn bennaf. Mae'r Adran yn Ysbyty Gwynedd yn cynnal y rhan fwyaf o agweddau ar Wasanaethau Offthalmoleg cyffredinol. Gyda chwe meddyg ymgynghorol yn darparu gwasanaethau Offthalmoleg cyffredinol ym Mangor yn ogystal ag ar gyfer achosion sydd o ddiddordeb i'w his-arbenigedd, gan gynnwys ARMD a Retina Meddygol.

Yr Ysbyty:

Mae Ysbyty Gwynedd yn Ysbyty Cyffredinol Dosbarth modern â 444 gwely yn ninas prifysgol Bangor. Mae'n darparu amrywiaeth gynhwysfawr o wasanaethau i boblogaeth Gwynedd, Ynys Môn a rhannau o Gonwy yn ardal Gogledd Orllewin Cymru. Mae'n darparu holl ddisgyblaethau Meddygaeth Gyffredinol a Llawfeddygaeth yn ogystal â'r holl is-arbenigeddau, gan gynnwys Meddygaeth Frys, Uned Gofal Dwys, Uned Dibyniaeth Fawr Lawfeddygol a'r Uned Gofal Coronaidd.

Mae Ysbyty Cyffredinol Llandudno yn ysbyty 75 gwely sy'n darparu gwasanaethau meddygol aciwt a gofal yr henoed a gwasanaeth llawfeddygol dewisol yn un o drefi glan môr Gogledd Cymru. Mae gan yr ysbyty Uned Mân Anafiadau. Mae nifer o arbenigeddau'n cynnal clinigau cleifion allanol yn yr ysbyty, gyda chefnogaeth gwasanaethau radiolegol a phatholegol. Mae cyfleusterau endosgopi ar gael ar y safle. Mae Uned Adsefydlu 45 gwely ar gyfer cleifion Gofal yr Henoed a'r bwriad yw y bydd Llandudno'n darparu mwy o wasanaethau adsefydlu arbenigol.

Darperir ystod eang o wasanaethau cymunedol o ansawdd uchel. Mae rhwydwaith o ysbytai cymunedol a darperir gofal a thriniaeth mewn gwahanol glinigau.

Cyfleusterau Ôl-Raddio

Mae'r ganolfan addysg amlddisgyblaethol yn Ysbyty Gwynedd yn cynnwys theatr ddarlithio fodern, ystafelloedd seminar gyda chyfleusterau fideogynadleda a llyfrgell feddygol lle mae dau lyfrgellydd llawn amser yn gweithio. Mae gan y llyfrgell gyfleusterau chwilio am lenyddiaeth ar-lein (Data-star, Berne) ac mae wedi'i rhwydweithio ag Ysbyty Prifysgol Cymru, Sefydliad Meddygol Lerpwl a'r Llyfrgell Fenthyca Brydeinig ymhlith eraill. Mae'r adran yn darparu llawer o gymhorthion clyweledol ac mae'n adeiladu llyfrgell hyfforddi tâp-fideo

Cynhelir cyfarfodydd i ôl-raddedigion bob amser cinio ac mae cyfleusterau byrbrydau ar gael yno. Mae rhaglen llawn o ddarlithoedd gyda'r nos yn ystod misoedd y gaeaf. Cynhelir Rownd Fawr bob amser cinio dydd Gwener.

Ymchwil

Mae Ysbyty Gwynedd yn Ysbyty Dosbarth Cyffredinol gyda nifer fawr o ddeunyddiau clinigol addas ar gyfer ymchwil clinigol. Bydd cyfrifiaduron yn cael eu defnyddio yn yr adrannau clinigol i greu Cronfa Ddata barod, mewn lleoliad delfrydol i hyfforddai uwch eu defnyddio.

Mae Bwrdd Iechyd Lleol Prifysgol Betsi Cadwaladr yn cefnogi pwyllgor ymchwil lleol ac mae ganddo gysylltiadau ardderchog â Phrifysgol Bangor. Gall ganiatáu arian ar gyfer projectau. Cafodd y cyfleuster hwn ei ddefnyddio gan hyfforddai uwch mewn arbenigeddau eraill eisoes ym Mangor. Mae cyngor ystadegol ar gael

trwy drefniant sefydlog gydag Adran Ystadegau'r Brifysgol. Mae adrannau eraill yn gallu cynnig cyngor mewn meysydd fel Electroneg; Peirianneg; Biocemeg; Gwasanaethau Cymdeithasol a Seicoleg. Rhoddwyd anogaeth arbennig yn y gorffennol i brosiectau ymchwil ar y cyd.

Gwasanaeth/Adran Offthalmoleg

Mae gwasanaethau offthalmoleg yn cael eu darparu'n bennaf fel gwasanaeth achos dydd yn Ysbyty Gwynedd, Bangor. Rhai o'r arbenigeddau sy'n berthnasol i Offthalmoleg sydd ar gael yn Ysbyty Gwynedd, Bangor yw:

- Tîm strôc
- Radioleg (gyda sganwyr MRI a CT o'r ansawdd uchaf)
- E.N.T
- Rhewmatoleg
- Niwroleg
- Endocrinoleg
- Meddygaeth gyffredinol a Llawfeddygaeth
- Cardioleg

Mae'r Adran yn Ysbyty Gwynedd yn cynnal y rhan fwyaf o agweddau ar Wasanaethau Offthalmoleg cyffredinol. Caiff cleifion lle bo angen gweithredoedd fitreoretinol eu cyfeirio at Ysbyty Canolog Abergele.

Mae'r holl feddygon ymgynghorol yn darparu gwasanaethau Offthalmoleg cyffredinol yn ogystal ag achosion sydd o ddiddordeb i'w his-arbenigedd.

Mae 17 o Feddygon Ymgynghorol Offthalmig ar y tri safle h.y. Bangor, Abergele a Wrecsam. Ariennir chwe meddyg ymgynghorol yn Ysbyty Gwynedd. Ar hyn o bryd, mae tri Meddyg Ymgynghorol parhaol a dau Feddyg Ymgynghorol Locwm yn Ysbyty Gwynedd.

Mae'r Adran Offthalmoleg ym Mangor yn darparu ystod o wasanaethau diagnostig a thriniaeth ar gyfer y rhan fwyaf o waith offthalmig brys a dewisol. Mae gan yr adran Offthalmig yr offer canlynol:

- Zeiss /Topcon OCT ac angiogram OCT
- Laser retinol Ellex Pattern, laserau YAG a SLT.
- Camera maes eang Zeiss gydag angiograffi fflworesin/ffotograffiaeth ddigidol
- Wltrasonograffeg sgan A/B Ellex gydag UBM
- Dadansoddwyr maes gweledol Humphrey gyda meddalwedd "FORUM" i integreiddio delweddau.
- IOL Master gyda Barrett Suite
- Cofnod cleifion electronig OPENEYES gydag e-gyfeirio (i gael ei osod maes o law)
- Arddywediad digidol E-Pro

Mae'r theatr offthalmig bwrpasol yn cynnwys yr offer diweddaraf gyda pheiriant ffacoemwlseiddio Baush a Lomb Stellaris a microsgop Leica. Mae ystod eang o lensys mewnlygadol ar gael i ddewis ohonynt. Mae ystafell lân ar gyfer IVT gydag OCT wedi'i rwydweithio'n rhan o'r Uned Achosion Dydd yn y theatrau.

Ffacoemwlseiddio, pigidau mewnfitreol a ocwloblasteg sylfaenol yn cynnwys biopsïau sydd i gyfrif am y rhan fwyaf o'r gwaith llawfeddygol offthalmig sy'n cael ei wneud yn Ysbyty Gwynedd.

Mae'r Meddygon Ymgynghorol ar alwad yn delio ag achosion llawfeddygaeth offthalmig brys.

Mae'r gwasanaeth cleifion allanol yn darparu clinigau offthalmoleg cyffredinol yn ogystal â chlinigau arbenigol AMD a chlinigau retina meddygol

Mae ymarferwyr annibynnol o dan contract ar y cyd â'r uned orthoptig yn cynnig triniaethau plygiant i blant.

Staffio

Staff Meddygon Ymgynghorol:

Mr. S Amjad, Meddyg Ymgynghorol - gyda diddordeb yng Nghornbilen y Llygad.

Mrs. Agori Kostakou, Meddyg Ymgynghorol - gyda diddordeb mewn Wfeitis a Retina Meddygol.

Mr. Elias Veepanat, Meddyg Ymgynghorol - gyda diddordeb mewn Retina Meddygol a Chlefydau Llygaid Diabetig.

Dr Noopur Patel, Meddyg Arbenigol

(Swydd wag): Offthalmolegydd Ymgynghorol x 2

Mr. Tariq Bangesh, Meddyg Ymgynghorol Locwm

Staffio SAS:

Mrs. Hmwe Thynn, Arbenigwr Cyswllt

Dr Chukwubuike, Meddyg Arbenigedd

Dr Washington, Meddyg Arbenigedd

Dr Mohammed, Meddyg Arbenigedd

Dr Koujan, Meddyg Arbenigedd

Nyrsio

Metron

Prif Nyrs Offthalmig B7

Nyrs Arbenigol AMD B7

Arbenigwr Nyrsio Glawcoma (rhan-amser) B7

3 WTE B6

10.5 WTE B5 (Wedi'i rannu rhwng staff llawn amser a rhan-amser)

3.5 B2 (Wedi'i rannu rhwng staff llawn amser a rhan-amser)

Gweinyddu

1 X Cydlynnydd AMD/Ysgrifennydd Meddygol

3 X Ysgrifennydd Meddygol Meddygon Ymgynghorol

1 X Clerc AMD

2 X Ysgrifennydd Clinig

PRIF DDYLETSWYDDAU DEILYDD Y SWYDD

Clinigol

Mae'r swydd yn un llawn amser. Mae'r swydd yn un gyffredinol er gellir ymgymryd â diddordebau penodol. Dylai deilydd y swydd fod ynghlwm wrth bob agwedd ar waith yr Adran gan gynnwys addysgu, archwilio, gofal dewisol a gofal trawma.

Disgwylir i ddeilydd y swydd fod yn brofiadol iawn o ran llawdriniaethau gyda chataractau, gan gynnwys achosion cymhleth. Dylai deilydd y swydd hefyd feddu ar arbenigedd mewn gweithredoedd offthalmig brys, laserau, trawma yn y llygaid ac o amgylch y llygaid a rheoli endoffthalmitis.

Efallai y bydd gofyn i ddeilydd y swydd deithio i gymunedau cymunedol allgymorth sydd wedi'u lleoli yn Llandudno, Caergybi, Pwllheli a Dolgellau.

Cyfrifoldebau Goruchwylio a Rheoli Proffesiynol Staff Meddygol

Goruchwylio a rheoli gwaith Meddygon Arbenigedd a staff nyrsio arbenigol sy'n gweithio yn yr Adran.

Derbyn cyfrifoldeb dros oruchwylio ac arfarnu staff meddygol iau ar lefel broffesiynol, ar y cyd â chydweithwyr

Addysgu - Dyletswyddau Israddedigion/Ôl-raddedigion

Cymryd rhan wrth addysgu a hyfforddi myfyrwyr meddygol, nyrsys, parafeddygon, ymarferwyr cyffredinol a phersonél priodol arall.

Llywodraethu Clinigol

Mae gan holl aelodau'r staff gyfrifoldeb i gadw at holl bolisïau, arferion a chodau llywodraethu clinigol y Bwrdd Iechyd a meddu ar gyfrifoldeb cyfartal â rheolwyr dros ddatblygu a chynnal systemau ac arfer priodol o ran cynnal arferion gwaith diogel. Disgwylir i ddeilydd y swydd ddangos ymrwymiad cadarn i egwyddorion llywodraethu clinigol, gan gynnwys:

Cydweithredu ac ymgysylltu â phwyllgorau ac arweinwyr Llywodraethu Clinigol fel bo'n briodol a datblygu rhaglen addysg a datblygiad proffesiynol parhaus, gyda'r adnoddau sydd ar gael ac yn unol â llwyth gwaith a blaenoriaethau'r gwasanaeth.

Mynychu Rhaglen Llywodraethu Clinigol y Bwrdd Iechyd a chyfrannu ati, gan gynnwys system Adrodd ar Ddigwyddiadau Clinigol y Bwrdd Iechyd, Polisi Digwyddiadau Anffafriol a pholisïau ambarél eraill.

Annog a hybu hinsawdd agored yn y Bwrdd Iechyd er mwyn caniatáu i staff iau'r Bwrdd Iechyd gymryd rhan yn llawn yn rhaglenni'r Bwrdd Iechyd cyfan.

Mae copïau o ddulliau llywodraethu clinigol Bwrdd Iechyd cyfan ar gael ar safle mewnwydd y Bwrdd Iechyd. Bydd deilydd y swydd yn cyfannu at weithgareddau llywodraethu clinigol, gan gynnwys archwilio clinigol, effeithiolrwydd clinigol, rheol risg a gweithgareddau gwella ansawdd fel sy'n ofynnol gan y Bwrdd Iechyd a chyrrff achredu allanol.

Mae gan y Bwrdd Iechyd ei adran Llywodraethu Clinigol ac Archwilio ei hun. Mae'r Gyfarwyddiaeth yn dadansoddi digwyddiadau critigol a chwynion yn ei chylch gwaith ei hun. Mae'r Gyfarwyddiaeth yn cefnogi gweithgarwch archwilio rheolaidd.

Gofynion Cymryd Rhan mewn Archwilio Clinigol ac Addysg Feddygol Barhaus

Gyda'r meddygon ymgynghorol eraill, cyfrannu at y broses archwilio clinigol, gan helpu i'w datblygu a'i gweithredu yng ngrŵp yr arbenigedd. Gweithio gyda'r meddyg ymgynghorol arweiniol i ganfod gwelliannau i arfer clinigol, a bennir trwy adolygiadau gan gymheiriaid, a helpu i roi newid sefydliadol ar waith neu ailddyrannu adnoddau er mwyn cyflawni'r gwelliannau hyn.

Dyletswyddau a Chyfrifoldebau Rheolwyr

Mae'n rhaid i hyn gael ei ddatblygu gan ymgynghori â chydweithwyr. Bydd deilydd y swydd yn derbyn cyfrifoldeb parhaus dros ofalu am gleifion y mae'n gyfrifol amdanynt.

Mae swyddfa ar gael ar gyfer deilydd y swydd, wedi'i rhannu gyda chlinigwyr offthalmoleg eraill, pob un gyda'i ddesg a'i gyfrifiadur ei hun.

Mae cymorth ysgrifenyddol ar gael i ddeilydd y swydd, 1 Ysgrifennydd Meddygol Band 4 wte, ac 1 Ysgrifennydd Cymorth Band 2 wte wedi'i rannu rhwng deilydd y swydd a meddyg ymgynghorol arall.

Ymrwymiad Gwaith Cytunedig Ychwanegol ar ran y Bwrdd Iechyd

I gael ei gytuno rhwng deilydd y swydd, ei gydweithiwr a'r Prif Weithredwr ar ran y Bwrdd Iechyd ar ôl penodi.

Datblygiad Personol a Phroffesiynol

Bydd angen i ddeilydd y swydd sicrhau bod ei wybodaeth am ei faes ymarfer perthnasol yn gyfredol a bydd yn gallu dangos hyn i fodloni'r Bwrdd Iechyd. Bydd hyn yn cynnwys arfarnu blynyddol gan gynnwys arfarnu 360 gradd. Caiff seibiant proffesiynol neu astudio ei roi ar ddisgresiwn y Bwrdd Iechyd, yn unol â Thelerau ac Amodau Gwasanaeth perthnasol, i ategu at astudio priodol, gweithgareddau hyfforddiant ôl-radd, cyrsiau datblygiad proffesiynol perthnasol, ail-ddilysu cofrestru ac anghenion datblygiad personol priodol eraill. Caiff yr holl ddigwyddiadau addysgol perthnasol eu hariannu'n llawn heb unrhyw gyfyngiadau ariannol.

Unwaith bob chwe wythnos, mae sesiwn archwilio/hyfforddi/addysgu (DPP) yn yr adran i'r holl staff Offthalmoleg ei mynychu a chyfrannu ati. Mae hon fel arfer yn para 3.5 awr ond ar adegau, bydd y sesiwn yn para am ddiwrnod cyfan. Caiff cyfarfodydd addysgol rhanbarthol eu cynnal bob chwarter yng Nghanolfan Addysg Ysbyty Glan Clwyd lle bydd staff Offthalmig o bob un o'r tair Uned Offthalmoleg, h.y. Wrecsam, Abergele a Bangor yn cymryd rhan. Mae'r rhain yn digwydd ar brynhawn dydd Gwener yng nghanolfan addysgol Ysbyty Glan Clwyd o 1.30 tan 5pm. Mae'r holl unedau'n cymryd eu tro i roi cyflwyniadau achos, darlithoedd ac archwiliadau.

Enghraifft o Gynllun Swydd:

	Dydd Llun	Dydd Mawrth	Dydd Mercher	Dydd Iau	Dydd Gwener
AM	Gofal Sylfaenol	SPA	SPA	SPA	Gwaith gweinyddol
PM	*Clinig i gleifion allanol	*Clinig i gleifion allanol	Laserau-YAG/Argon	Clinig cleifion allanol (Theatr Llawdriniaetha	Gofal Sylfaenol

**Gallai gynnwys clinig cymunedol neu ymgynghoriadau rhithiol/ffôn*

Bydd disgwyl hefyd i ddeilydd y swydd gymryd rhan mewn rota ar alwad 1:6. Caiff y cynllun swydd ei adolygu gyda deilydd y swydd yn ystod y tri mis cyntaf a bydd yn amodol ar ail-drafod ac adolygu blynyddol gyda'r Cyfarwyddwr Clinigol, a chaiff unrhyw newidiadau eu gwneud gyda chytundeb y Cyfarwyddwr Clinigol.

Mae'r cynllun swydd yn destun adolygiad unwaith y flwyddyn gennych chi a'r Meddyg Ymgynghorol Arweiniol. At y diben hwn, dylech chi a'r Meddyg Ymgynghorol feddu ar gopi o'r cynllun swydd a'r disgrifiad swydd presennol, gan gynnwys rhaglen waith gyfredol, gwybodaeth ystadegol am yr adran berthnasol (yn ddelfrydol ar gyfer y cyfnod blaenorol o 12 mis) ynghyd â nodiadau wedi'u darparu gan y naill ochr neu'r llall - yn ymwneud ag unrhyw wasanaeth newydd neu wasanaeth arfaethedig neu ddatblygiadau eraill. Bydd cynlluniau a rhaglenni gwaith cytunedig yn berthnasol am flwyddyn.

Mae seibiant astudio yn unol â thelerau ac amodau Cymru yn cynnwys 30 diwrnod dros gyfnod treigl o dair blynedd.

Bydd adolygiad blynyddol ac yn ystod y broses honno, efallai y bydd yr ymrwymiad presennol yn cael ei ailddatgan. Lle bo'r naill barti neu'r llall yn awyddus i newid yr ymrwymiad hwn, mae'n rhaid i ddiwygiadau o'r fath gael eu cytuno ar y cyd.

Y Dyfodol a'r Weledigaeth

Gweithio'n glyfar, cynnig gwerth am arian, rhoi gofal o'r radd flaenaf, a chofnodion cleifion electronig y gellir eu harchwilio'n llawn.

Nodau strategol yr Adran Offthalmoleg yw:

- 1 Rhoi gofal amserol, cyfeillgar ac effeithlon mewn meysydd offthalmoleg gyffredinol a hwyluso cyfeirio at ganolfannau arbenigol fel bo'n briodol.
- 2 Sicrhau bod amseroedd aros am ofal cleifion allanol a chleifion mewnol yn unol â chanllawiau'r Bwrdd Iechyd.
- 3 Gweithio gyda NICE a chanllawiau lleol i ddarparu'r gofal gorau posibl o fewn y ffiniau ariannol.

Gofynion cyffredinol

Mae'r swydd hon yn amodol ar Delerau ac Amodau cyflogaeth Bwrdd Iechyd Prifysgol Betsi Cadwaladr

Gallu

Chi sy'n gyfrifol am gyfyngu eich gweithgareddau i'r achosion/gweithredoedd yr ydych yn teimlo'n gymwys i ymgymryd â nhw. Os bydd gennych unrhyw amheuaeth am eich gallu wrth gyflawni eich dyletswyddau, dylech gael gair â'ch Rheolwr Llinell/Goruchwyliwr ar unwaith.

Gweithiwr iechyd proffesiynol cofrestredig

Mae angen i holl weithwyr y Sefydliad gofrestru â chorff proffesiynol i'w galluogi i ymarfer o fewn eu proffesiwn, gydymffurfio â'u cod ymddygiad a gofynion eu corff cofrestriad proffesiynol.

Rheoli risg

Elfen safonol o rôl a chyfrifoldeb holl staff y BILI yw cyflawni rôl ragweithiol i reoli risg yn eu holl gamau. Mae hyn yn cynnwys asesu risg pob sefyllfa, cymryd camau priodol ac adrodd ar bob digwyddiad, pethau y bu ond y dim iddynt ddigwydd a pheryglon.

Gofynion Iechyd a Diogelwch

Mae gan holl weithwyr y Sefydliad ddyletswydd gofal statudol ar gyfer eu diogelwch personol eu hunain a phobl eraill y gallai eu gweithredoedd neu esgeulustod effeithio arnynt. Mae gofyn i weithwyr gydweithredu â rheolwyr er mwyn galluogi'r Sefydliad i fodloni ei ddyletswyddau cyfreithiol ei hun ac i roi gwybod am unrhyw sefyllfaoedd peryglus neu offer diffygiol.

Datganiad Hyblygrwydd

Mae cynnwys y Disgrifiad Swydd hwn yn cynrychioli amlinelliad o'r swydd yn unig ac felly nid yw'n rhestr derfynol o ddyletswyddau a chyfrifoldebau. Felly bwriad y Disgrifiad Swydd yw bod yn hyblyg ac mae'n agored i'w adolygu a'i ddiwygio yng ngoleuni amgylchiadau sy'n newid, yn dilyn ymgynghori â deilydd y swydd.

Cyfrinachedd

Mae gofyn i holl weithwyr y Sefydliad gadw cyfrinachedd aelodau'r cyhoedd ac aelodau staff yn unol â Pholisïau'r Sefydliad.

Cadw cofnodion

Mae pob gweithiwr yn gyfrifol am sicrhau bod Cofnodion yr Adran a'r Sefydliad yn cael eu creu a'u cadw yn unol â Pholisï'r Sefydliad.

Trefniadau ymweld

Os byddwch yn awyddus i drafod y swydd ymhellach, cysylltwch â Mr. E J Veepanat
Ffôn: 01248 363478. E-bost: elias.veepanat@wales.nhs.uk

Er mwyn trefnu i ymweld â'r Adran ac i gyfarfod ag aelodau o staff, cysylltwch â:

Mrs. Alison Davies, Rheolwr Arbenigedd Safle

Ffôn: 01248 3844186 neu E-bost: Alison.Davies8@wales.nhs.uk.

Bydd ymgeiswyr sydd ar y rhestr fer yn cael ymweld cyn cyfweliad a thelir costau rhesymol. Mae ffurflenni cais ar gael drwy ymweld â NHS Jobs UK www.jobs.nhs.uk a chan ddilyn y cyfarwyddiadau ar ymgeisio ar-lein. Gwefan y Bwrdd Iechyd yw: www.bcu.wales.nhs.uk .

Ni chaniateir ysmegu yn adeiladau Bwrdd Iechyd Prifysgol Betsi Cadwaladr nac ar ei diroedd gan gynnwys lleoedd preswyl.



GIG
CYMRU
NHS
WALES

**Bwrdd Iechyd Prifysgol
Betsi Cadwaladr
University Health Board**

Manyleb yr Unigolyn

Offthalmolegydd Ymgynghorol - Ysbyty Gwynedd
Bwrdd Iechyd Prifysgol Betsi Cadwaladr - Gorllewin

Pwnc	Hanfodol	Dymunol	Wedi'i fesur trwy:
CYMHWYSTER	Cofrestriad GMC llawn â thrwydded i ymarfer fel Meddyg Ymgynghorol Gradd Feddygol FRCS neu gyfwerth	Tystiolaeth o gymrodoriaeth/hyfforddiant neu gymwyseddau mewn Glawcoma neu Ocwloblasteg	CV Cyfweliad Aseswr Coleg
PROFIADAU	Profiad cyffredinol eang ym maes Offthalmoleg gan gynnwys cataractau cymhleth, llawdriniaethau a gweithredoedd brys	Cymwysterau arbenigol ychwanegol neu gymhwyster, sgiliau, profiad perthnasol yn yr arbenigedd perthnasol.	CV
LLYWODRAETHU CLINIGOL	Dealltwriaeth o'r materion Strategol a Gweithredol sy'n tanategu Llywodraethu Clinigol a'u cymhwyso mewn arfer o ddydd i ddydd a thystiolaeth o hynny.		
GALLU	Y gallu i gymhwyso gwybodaeth. Y gallu i lunio nodiadau clinigol perthnasol ac eglur. Sgiliau cyfathrebu diogel ac effeithiol ar lafar. Parodrwydd i gynnwys cleifion o ran rheoli eu cyflyrau. Y gallu i ddelio â chyfweliadau anodd gyda chleifion neu berthnasau gyda doethineb a sensitifrwydd Sgiliau TG sylfaenol	Sgiliau TG datblygedig.	Ymweliadau â'r ysbyty cyn cyfweliad. CV Cyfweliad

RHEOLI	Dealltwriaeth am arferion rheoli'r GIG a ffyrdd o'u cymhwyso a thystiolaeth o hynny. Parodrwydd i fynychu cyfarfodydd rheoli'r adran a chymryd rhan ynddynt.	Cyrsiau / cymwysterau rheoli. Profiad gweinyddol adrannol.	CV Cyfweliad
ARCHWILIO	Tystiolaeth o gymryd rhan Tystiolaeth o gwblhau prosiectau archwilio.	Cwrs / sgiliau arfarnu critigol.	CV Cyfweliad
HYFFORDDIANT	Tystiolaeth o ymrwymiad at Ddysgu Gydol Oes a Datblygiad Proffesiynol Parhaus.		Ymweliadau â'r ysbyty cyn cyfweliad
NATUR	Natur gyfeillgar a chwrtais. Aelod o dîm sy'n gwerthfawrogi'r cyfraniadau unigol tîm amlddisgyblaethol. Yn ddibynadwy, llawn cymhelliant ac yn brydlon. Tystiolaeth o'r gallu i weithio mewn sefyllfaoedd anodd a/neu pan fyddwch o dan bwysau. Agwedd hyblyg at anghenion y gwasanaeth. Parodrwydd i weithio y tu allan i oriau gwaith arferol ar fyr rybudd pan fo angen.	Gallu dechrau gweithio o fewn 3 mis o adeg penodi. Y gallu i deithio rhwng safleoedd mewn modd amserol. Parodrwydd i ymgymryd â chyfrifoldebau proffesiynol ar lefel leol / ranbarthol / genedlaethol	Ymweliadau â'r ysbyty cyn cyfweliad CV Cyfweliad
IAITH	Yn siarad Saesneg yn rhugl	Yn siarad Cymraeg neu barodrwydd i ddysgu	Cyfweliad